



◆董拔萃

丙午馬年感賦二首
一、
兆瑞驕驕得步先，振鬃奔躍入新年。
續航欣見雲程闊，築夢虔祈璧月圓。
世道無常參舊史，人文有序仰先賢。
西來濁氣終須散，浩浩罡風自九天。
二、
塵寰巨變歲時遷，駿骨輕蹄豈著鞭。
千里嘶鳴千里志，萬山踏破萬山巔。
修身莫負凌雲筆，立世猶思伏櫪篇。
願借東風蘇草木，關情枝葉入吟邊。

◆王承天

冬節居菲口占
恰逢冬至處南蠻，日暖風恬藍蔚天。
椰綠蕉黃田野外，背疏裙短露胸前。
西洋嘉節星燈結，聖殿佳音井市傳。
經典緣何書妄語，挑唆黎庶互相殘。

歲暮感詠
流光浮世歲將殘，難掩容顏兩鬢斑。
遊歷山川增慧識，觀探博物悟民緣。
趁時卜卦研周易，邀友砌跔修舊篇。
華夏興邦為我盼，拈來好句寫豐年。

山行得句
漫步山中心載怡，沿途芳香緊相隨。
壁懸流瀑彈鼓樂，谷漾澄波湧花池。
幽境為人展畫卷，奇觀得句入新詩。
登臨遊目忘歸晚，月上柳梢笑我痴。

有感
年輪輾轉幾番新，客旅萍蹤秋與春。
世路風霜添鬢髮，江湖雨水洗心塵。
昔年仇恨雲霾散，此際襟懷物象親。
何意廟堂多鬼魅，時生災禍害黎民。

花信有懷
花無解語卻豪情，情伴東風意縱橫。
如約春歸期友會，不辜蝶愛趁時萌。
平原旖旎幽香吐，井陌琳琅淑氣生。
我願紅塵災禍絕，人和芳蕊樂昇平。

冬日書懷
何須感嘆歲時遷，四季循迴屬自然。
玉柏凌霜青尚顯，紅梅破臘蕊初妍。
敲詩煮茗消寒夜，讀易翻經度冷天。
且待春風歡佈景，馬蹄勁疾入新年。

迎新歲隨筆
駿馬奔騰瑞氣昇，開元臘鼓啓新聲。
千門爆竹驅殘夜，曠宇煙花獻技迎。
帚底跡除陳穢跡，聯端情湧抒歡情。
何當置酒邀鄰叅，九域回春物象榮。

◆松濤

臘尽春諫
朝來臘八接春諫，往憶孩時喜過年。
入夜漁燈依岸近，經冬鷗雁逐風前。
煮茶嘗菊長相慰，載酒探梅爾獨先。
已見青牛催歲至，一庭香雪綴新篇。

◆惜貞

大寒迎年有寄
臨牖微風堪解意，歲闌無語有餘香。
寒雲帶雪催時節，老樹開梅著福祥。
赤馬迎新聯句作，烏鵲報喜筆鋒藏。
唯祈舊去流年轉，盛世同隨霽色光。

◆柳夢影

東西塔下留影
塵影回眸多少事，古城佛國市聲喧。
聖者滿街非是我，遊蹤躑躅到開元。

◆宸馨

歲晚抒懷
風生靜夜冷羅衣，火樹凌空除歲時。
幾案熏香煙裊裊，庭梅映月影遲遲。
千秋世味今無異，百感塵緣盡是奇。
俗事年華皆過眼，惟余心暖待春曦。

蝶戀花•花信喚春歸
弄影梅腮霞一縷。柳眼初開，桺燕溫溫語。院竹新枝凝曉露。深紅淺白幽香吐。
冬韻深藏縈歲序。花繫春駒，靜待東君舞。粉蝶頻飛芳草圃。風催嫩蕊呈嬌嫵。

◆客寧

月下
月下臥長橋，秋風笑寂寥。
千山黃葉路，萬里故鄉遙。
浪客初心夢，珠江半夜潮。
星光沈水岸，蘆悴葦花憔。

月出皎兮
樓塔探青霄，雲端月步嬌。
芳鄰三里路，卻似桂宮遙。

陳家祠堂
初成書院後祠堂，木石雕花煥彩光。
往日文華星隕落，遊人不曉昔輝煌。

憶江南•冬天一陣風
風一陣，來自海灣紅。飛上高樓生暖意，吹過平野滅寒蹤。心鏡照晴空。
西江月•永慶坊
四海來賓接踵，百年名店盈城。
久違廣府憶繁榮，今又重遊盛境。
銀樹高擎夜幕，星燈閃亮華庭。
珍饈美酒雜杯觥，醉態街坊永慶。

◆施滄液

青玉案•歲暮感懷
梅花香又相催老。對短臘，閒情少。瑟瑟寒林春待曉。韶華逝去，夢魂猶繞。雁字雲邊渺。
依欄獨立斜殘照。濁酒清樽故人杳。凍骨蹣跚還自笑。別時南國，鶯啼芳草。回首滄桑道。

憶舊遊•病中聽蟬
亂垂堤楊柳，貼水蓮荷，抱恙鬚眉。熱惱風中韻，拚孤鳴一曲，力竭聲嘶。鼓簧漫漫長夏，嚶嚶向高枝。是起伏潮音，激昂驪唱，欲訴相思。
停厄。動情處，念蕉窗玉指，竹案琴絲。無限西風意，把滿懷幽怨，譜入秋詞。夜來月華清露，飲恨獨淒其。謝草砌幽蛩，溫勤相慰勝子期。

◆子偉

行香子•世途感
半世萍蹤，一鬢星霜。看衣冠、競逐槐芳。窮途影寂，達路笙忙。辨眼中真，語中假，酒中涼。
名高易妒，身卑多障。算人間盡作戲場。心機繭縛，晝夢塵揚。醒時枷，醉時刃，夢時荒。

行香子•紅塵吟
正氣擎天，匪智防奸。縱江湖、俠骨嶙然。三分疏放，漫戲塵煙。帶幾分狂，幾分拙，幾分寬。
藏鋒以韌，含真抱樸。立人間、棱角無遷。修行何似？如竹臨淵。任雪侵衣，風摧木，我安然。

八節長歌•同窗憶
應記清源。北城河畔，會聚同年。縱青春意氣，風整鼓衣冠。山茵雲縠探幽趣，夢魂牽、尤眷師專。且獵淵宏智識，課導欣觀。
書壇論辯聯翩。誰教誨、鞭催學子為賢。溫暖似爐燃，心潮湧、長悠四五春寒。修業罷，情未斷、繞砌更闌。尋前昔、相期勤勉，歡聲溢滿饗園。

◆王明全

乙巳冬至四首
其一
今逢冬至近年關，幾欲還家遇阻艱。
客地高歌何放曠，鄉愁淺唱不蕭閑。
聽風聽雨長長夢，飛雪飛花處處山。
如此心情如此夜，回眸西望淚潸潸。

其二
冬至凝寒冷世氛，何堪老邁劫餘身。
沉疴豈為耽詩酒，解惑尤在辨假真。
千里雪飄方數九，一陽開泰始推寅。
五洲風物殊東土，博愛純良習俗淳。

其三
鄉愁縷縷燭光寒，舊夢悠悠照榻前。
羊肉湯鍋落日後，宮花泮水謝橋邊。
橫斜疏影傷遲暮，斷續琴聲到夜闌。
百歲人生情為重，相思愈久愈纏綿。

其四
海國梧桐雙鳳棲，優遊歲月緊依隨。
南園萬里窮碧落，北極中天見紫微。
地動山搖雷隱隱，風寒露冷雪霏霏。
嚶鳴不絕人依舊，望斷雲山共此時。

◆陳挺

依韻奉和明全先生《乙巳冬至四首》呈正
其一
迎迓陽生不掩關，從容感詠世途艱。
淡煙弱水鴻聲遠，短日寒雲草色閑。
天赦難留殘歲月，夢魂時到舊家山。
幾回回首紅塵老，可許征人一淚潸。

其二
一晝微陽靜楚氛，澄清世界見閑身。
亦空亦色原非假，無死無生不是真。
白雪寒依冬習坎，黃鐘律轉斗臨寅。
來朝造化回天地，萬象俱涵太古淳。

其三
飛花細逐朔風寒，惆悵冬闌到眼前。
敗草林空南郭外，踈篁簾落北窗邊。
無驚豔色成陳跡，有恨穠華委逝川。
應信春來消息近，憑虛縱目綠芊綿。

其四
節臨亞歲促歸期，人在征途寂寞時。
回首百年何足嘆，銷魂萬里莫須疑。
傷今弔古天難問，送往迎來事可知。
離緒一肩行李重，關山咫尺困男兒。



◆中元

無題
竹葉飄飛雁影深，梅枝傲雪抱香吟。
搖光冷月小年夜，雨斷閑情酒自斟。
雅韻，清樽注酒酌知音。家山降雪梅初綻，日月穿梭歲欲臨。氣暖花妍知有日，故鄉春色趁時尋。

冬至感賦
陽生冬節氣東來，園里飛花下九垓。
北國雪飄斟小酒，湯圓水餃待春回。

千島似春天
蕉風椰雨緊相連，臨海岷灣起淡煙。
別墅開花花灼灼，木橋流水水潺潺。
遊人打卡王彬擠，貴客留年信願邊。
莫道菲城光景好，仲冬千島似春天。

數九寒天
三九嚴寒老樹斑，沙鷗掠浪過幾關。
千山鳥絕人蹤滅，煮酒蒸茶且賦閑。

元旦
梅開早放時，序曲又成詩。
望去情懷滿，牽來魂夢癡。
盈盈空有韻，寂寂待無期。
許下平安願，清歡唱舊辭。

清吟
春光生美音，水碧出蒼岑。
邀月頻賒酒，閉門獨撫琴。
意磨兼畫境，誌琢並情心。
大筆描觀止，逍遙清氣吟。

新年願景
南瀛社課 2026 年 1 月

◆亦勵
滿庭芳•新年願景
梅放新紅，雪消殘臘，馬蹄聲喚東風。
門楹聯對，福瑞映燈籠。
回首經年逆旅，雲涯外、幾度飄蓬。
今宵願，煙花綻處，續炫曜長空。

深衷。
當此際，家人圍坐，酒暖爐紅。
鼓聲播心潮，月照簾櫳。
待整詩書萬卷，墨香裏、再度春冬。
任塵世，陰晴圓缺，一笑與天同。

◆醺人
玉樓春•新年願景
——原韻原體奉和李後主「晚妝初了明肌雪」
開春北國猶飛雪。詩酒杯盤盈案列。
賦成投筆自飄然，乾足黃湯因透徹。
平生願景輕如屑。詠頌無非求懇切。
長年酬唱灌千盅，幸莫素箋空示月。

◆老頑童
滿江紅•新年願景
——依姜白石平韻格
冬盡春臨，晨梳髮、銀灰雜斑。
耄齡邁、誰知剩下，多少年關。
丙午良駒欣值歲，紅鬃烈馬勇輪班。
待騰霄、跑四海三江，嘶宇寰。
觀彼岸，裂匪蠻。思國難，淚長潸。
願王師奮起，解放台灣。
火箭清除邪鬼祟，金戈統護好河山。
殲機翔、二炮搗黃龍，誅逆奸。

◆少峰
新年願景——寄調《慶春時》
紅梅報歲，靈蛇迎馬，大地回春。
人間美景，升平泰運，華夏喜時新。
民生昌瑞，軍壯商旺人勤。
和諧國際，東風浩蕩，龍舞慶開樽。

◆凌子卉
探春令•新年願景
新春雷動，鼓聲連響。
舞池朋伴，話兒笑口開紅幔。
有誰懂，歡心亂。
笙歌蹈跳隨我玩，興高時互嘆。
記往年，雪月風花。
欣喜未雨綢繆願！

◆王承天
慶春時•新年願景
年輪輾轉，寒冬告別，駿馬奔騰。
春回世域，花開井陌，瑞氣逐時升。
凝眸神州，舞獅燃爆張燈。
人歡時泰，政清民治，國運逐年增。

新年願景
年杪推移驚逝年，幽懷曠遠起波瀾。
幾回月白夷鄉夜，曾是星疏放眼觀。
禍世烽煙無義戰，危邦腐敗有婪官。
啓元開歲心一願，境泰政清民得安。

◆農夫
新年願景
蕉雨浙浙洗舊塵，椰風習習接新春。
離鄉倍感星霜換，為客長懷父老親。
環顧五洲災難重，細思千島險情頻。
馬年但願邦交泰，一夜心安睡到晨。

◆工友
返步奉和農夫兄《新年願景》
喜悲哀樂豈分晨，愆念人情運作頻。
願景飄遙圖邁俗，年關迫近更思親。
他鄉零下須無奈，元日雪飛直襲春。
客次唯祈身體健，安康順泰歷紅塵。

◆宸馨
新年願景
抱樸塵心靜，懷襟萬象藏。
風清舒遠日，筆秀賦流光。
碧海神龍躍，晴空駿馬翔。
但期豐歲兆，共醉九霞觴。